



Nuuk 28. April 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

- **Tasiilami nannuttassat nunguneqareersut, pisasseeqqinnermi amerlineqarsinnaanerannut Naalakkersuisut qanoq pilersaaruteqarpat?**

(Hans Enoksen)

Tunngavilersuut:

Taasilap eqqaani ukioq manna nannuttassat tamakkerneqareerput, aatsaallu ukiup qaammataai eqqarsaatigissagaanni Aprili suli naanngitsoq pisassat tamakkerneqarput.

Tamannalu soorunami piniartut eqqarsaatigalugit ilungersunarluinnarpoq, aatsaami ukioq pisassiiffiusoq aallartillualaaginnartoq nannuttassaminnik pisasaarutereermata. Tasiilami eqqaanilu piniartut eqqarsaatigalugit Naalakkersuisut nannuttassanik pisasseeqqinnissaaminut eqqarsaateqarnersut aperiniarpakka.

Aammalu suli ilungersunarnerulissaaq puisit amii qaammatit marluk matoqqasussaapput, nannutassallu nungoreerlutik, taavami Tasiilami eqqaanilu piniartut suna inuuniutigissavaat?

Nannuttassaqqannginneranni aammalu puisit amiinik tunisisinnaanngiffianni Tasiilami eqqaanilu piniartut Naalakkersuisunik ikiorsiiffigineqarniarpaat? Tassami akiligassat inuuniutissallu aningaasat pinngitsoorneqarsinnaanngillat, tassami allamik aningaasarsiorfigisinnaasaminnik periarfissaat killeqaqaat ikiorsertariaqarnissaannut Naalakkersuisut pilersaruteqarnersut paaserusuppakka.

Apeqqutikka ullut qulit suliffiusut iluanni akineqarnissaat kissaatigaara.

Ikinngutinnersumik inuulluaqqusillunga

Hans Enoksen
Siumut